

KYRKJEKONTAKTEN

KYRKJELYDSBLAD FOR ALVERSUND / KNARVIK / LYGRA / SEIM



s. 4: Kunst på Petersplassen

s. 9
Ny serie: Høytidene våre

s. 13:
Fredagskaffi i Alversund



Synnøve Bjørndal kan sjå tilbake på gode år i kyrkja. - Ikkje minst takka vera gode kollegaer i staben og i fellesrådet, og dei mange frivillige medarbeidarane som gjer ein stor innsats, seier ho.

Synnøve fiksar alt – ho er navet i kyrkjelyden

Tekst og foto: Arthur Kleiveland

Ho har ein arbeidskapasitet som kan ta pusten frå dei fleste. Synnøve Bjørndal blir omtalt som navet i kyrkjelyden. Ho har orden i sakene og styrer kyrkjekontoret med stødig hand. Snart går ho inn i pensjonistane sine rekkjer.

I løpet av ein arbeidsdag er det fleire som er innom kontoret hennar; for å sjekka noko, slå av ein prat, få hjelp når pc'en ikkje gjer som den skal, låna ein nøkkel, få kopierte opp nokre plakatar – for å nemna noko. Og alle blir møtt med eit smil og tolmod.

Navet i kyrkjelyden

Det tok ikkje lang tid før sokneprest Cathrine Grutle forstod kor viktig Synnøve var for både kyrkjelyd og stab.

- Eg vil hevda at ho er navet i kyrkjelyden vår. Det er ho som har kontroll på kva som skjer kvar og kor tid, og ho er berar av store mengder tauskunnskap, seier Grutle.

Tett samarbeid

-I alt er Synnøve ein ansvarsfull og trygg leiar å lena seg på og som det er lett å drøfta også vanskelege saker med, seier prost Helge Taranrød.

Synnøve er ein kollega Taranrød samarbeider tett med, både som dagleg leiar i Knarvik sokn og som administrativ hjelp for prost.

Taranrød seier det er lett å leggja merke til Synnøve sin arbeidskapasitet og hennar evne til å halda orden i sakene ho arbeider med.

Ho har vore dagleg leiar i Knarvik sokn i ein fase der bruken av den nye kyrkja skulle finna sitt innhald og si form på eit mangfaldig kyrkjeleg program, men også for mange i kulturlivet og i lokalsamfunnet som brukar kyrkja.

Døma er mange. Synnøve hadde sjølvsagt handa på rattet då kyrkja nyleg var vertskap for den årlege TSU-dagen der

500 russ møter nødetatane for å lære om trafikksikkerheit før russetida set inn. Og tidlegare i år tok kyrkja i mot 300 konfirmantar frå heile prostiet til dagsfestival. Knarvik-Mila, konsertar, teateroppsetjingar og mykje anna kunne vore nemnd. Og nyleg hadde Synnøve eit stort engasjement knytt til kulturdagane i Knarvik kyrkje.

- Denne store og flotte aktiviteten genererer mykje arbeid med logistikk og kontakt med brukarane, som ikkje alltid er synleg, seier prost Helge Taranrød.

Stor spennvidde

Spennvidda i jobben Synnøve gjer er enorm. Ho bestiller kopipapir og blyantar, skriv ut dåpsattestar, sørger for at det er organist og kyrkjetenar på alle gudstenester og kyrkjelege seremoniar, har medarbeidarsamtalar, er på møte i leiargruppa saman med kyrkjeverje og dei andre daglege leiarane. Og ho har oppfølging av økonomien – betaler rekningar og lagar budsjett. Og administrerer utleige av kyrkjene i soknet.

67-åringen hadde ein lang arbeidskarriere bak seg før ho og prestemannen Magne kom til Nordhordland i 2009. I 2010 vart ho tilsett som sekretær i Lindås sokn. Seks år seinare vart ho sekretær i Alversund og var med i prosessen der tre sokn/kyrkjelydar vart samla til Knarvik sokn. Frå 2020 har ho vore dagleg leiar i Knarvik med ansvar for kontorfellesskapet.

Meiningsfull jobb

Synnøve opplever at det er meiningsfullt å få jobbe i kyrkja.

- Det er ikkje eg som står på preikestolen, men det er fint å få vera med og leggja til rette for alt det flotte arbeidet som skjer i kyrkjene våre.

- Knarvik sokn har 4 kyrkjer: Alversund, Seim, Lygra og Knarvik. Det er flotte bygge på kvar sin måte, med ulike

kvalitetar og uttrykk, seier ho.

Synnøve vil understreka at ho ikkje har stått aleine om oppgåvene i kyrkja.

- Eg har hatt gode år i kyrkja, ikkje minst takka vere gode kollegaer i staben og i fellesrådet, og dei mange frivillige medarbeidarane som gjer ein stor innsats.

Ho fiksar alt

I tillegg til sine egne arbeidsoppgåver går Synnøve inn og dekkar ”hol” som dukkar opp.

- Ho steppar inn som både reinhaldar, kyrkjetenar og brannvakt når det trengs. Som regel på kort varsel. Eg har ei oppleving av at ho eigentleg kan fiksa alt. Det er sikkert krevjande til tider, og eg unner deg rolegare dagar. Men vi kjem til å sakna deg, din lune humor, di opne kontordør, di omsorg og smil, og den rause personen du er, seier soknpresten.

No står livet som «vanleg» kyrkjejengar for døra for Synnøve Bjørndal.

Alver kyrkjelege fellesråd har omorganisert, og frå 1. august vert det tre tilsette som deler på dei oppgåvene som Synnøve har hatt:

- Grethe Lunde, dagleg leiar
- Gyda Matland, administrasjonssekretær
- Bjørn Furukawa, ansvar for utleige/booking, i tillegg til å vere kyrkjetenar

Dei kan kontaktast på

e-post: post.knarvik@kyrkja.no eller tlf. 400 01 691

Open kyrkje og utstilling i Lygra kyrkje

Tekst: Tone Marit Øvretveit Dyrkolbotn

Lygra kyrkje er ei nydeleg kyrkje som ligg på ein av dei flottaste plassane i kommunen vår. No får du moglegheita til å vitja kyrkja og oppleva ei fin utstilling av fleire kunstnarar, m.a. Ingvild Skår, Mailinn Bergås Hatten, Synnøve Sellevold og Inger Sellevoll.

Du vil bli møtt av folk som er glade i kyrkja si, kan fortelja deg litt om den - om du ønskjer det - og som vil tilby deg ein kopp kaffi.

Er du glad i å gå på tur, anbefaler me ein tur i dei flotte lyngheiane! Kanskje kan dagen avsluttast med ein nydeleg middag på Lyngheisenteret?

Opningstider:

Open kyrkje og utstilling 2026:

Juli: 11., 12., 18., 19., 25. og 26., kl. 12-16.

Lyngheisenteret har oppe og matsservering søndagar kl. 12-17.



Kunstnarleg fellesskap på Petersplassen

Tekst og foto: Arthur Kleiveland

Dei fylte kyrkjekjellaren i Knarvik med kunst. Galleri Petersplassen har knapt framstått meir fargerik og flott enn då kunstnarane Ingvild Skår, Liv Sundal og Elin Alver stilte ut sine arbeid under kulturdagane.

- I ei rå og brutal verd treng vi slike juvelar. Her møter vi menneske som deler raust med oss, sa varaordførar Nina Bognøy då ho klypte snora under opninga av utstillinga.

Prost Helge Taranrød slo fast at det er veldig meningsfullt å få vera ein heim for kunsten.

- Kunsten er tidlaus, akkurat slik trua og Gud er det, sa han. Taranrød framheva at menneska til alle tider har uttrykt liv og tru gjennom kunst i kyrkjerommet.

Dei tre kunstnarane var alle engasjerte i samband med utsmykking då Knarvik kyrkje var ny.



Flotte kunstnarar. Frå venstre Ingvild Skår, Liv Sundal og Elin Alver får blommar av galleriansvarleg Helge Haugland.

Det var god spennvidde mellom dei kunstnariske uttrykka på utstillinga. Ingvild Skår malar med ull – med islett av silke, og ho hadde fleire fargerike bilde på veggane. Elin Alver har drive mykje med veving og filting, og har også laga vakker steinmosaikk. Den seinare tid har ho også fått stor sans for akrylmaling. Liv Sundal har laga mykje fint i keramikk og porselen, og ho har mellom anna laga liturgisk utstyr til Knarvik kyrkje, som vasar, lysestakar, og nattverdsbeger.

Vart oppglødde

- Utstillinga var ei flott oppleving for oss som stilte ut. Det var ei fin anledning til å få visa fram kva vi driv med. Me har fått veldig positive tilbakemeldingar, fortel Ingvild Skår.

Ikkje minst framhevar ho møtet med 6. klassingane frå Knarvik barneskule.

- Me vart rett og slett skikkeleg oppglødde over elevane si interesse og spørsmål, seier Skår.

Det vart selt ein god del av dei utstilte kunstverka. Og nokre var heldige og fekk med seg arbeid frå dei tre kunstnarane i eit kunstlotteri.



Prost Helge Taranrød og varaordførar Nina Bognøy var til stades under opninga av utstillinga.

Unikt på orgel og piano

Under kulturdagane i kyrkja fekk publikum også ei unik oppleving då Grieg sin a-mollkonsert vart framført i samspel mellom pianisten Sivert Aase Fluge på piano og Henriette Eide Skagen på orgel.

I løpet av kulturhelga tok litteratur-lektor og Ibsen-ekspert Lidvar Nygerde folket med på ei reise «Frå Peer Gynt til Patmos». Kva kunne passa betre enn at den fremste Grieg-tolkaren, Rune Alver, følgde opp med å skapa gode stemningar ved flygelet.

- Vi er godt tilfreds med oppslutninga om kulturdagane, seier Helge Haugland, som er galleri-ansvarleg.



Elin Alver har drive med veving i fleire tiår.

Frå kyrkjebenken

Ein prat med Ida Marie Bogevik

Tekst: Ida Marie Bogevik

Foto: Solfrid Bogevik

– *Kor lenge har du vore aktiv i kyrkjelyden?*

– Eg har deltatt så lenge eg kan hugsa. Som liten var det godt å sitte på eit fang og fargelegge bildet til det som var søndagens tekst. Hugsar det var spesielt spennande å få gå rundt alteret for å gje kollekt. Så har det vore nokre år utan å delta i kyrkja, men berre sporadisk vere med på møter. I seinare tid har eg vore meir involvert i kyrkja etter at eg blei vald inn i soknerådet.

– *Kva set du mest pris på ved kyrkjelyden din?*

– Hundvin kyrkjelyd vil eg skildre som ein liten kyrkjelyd, men med ein trufast og god gjeng som er aktiv i det som skjer i kyrkja, anten det er gudsteneste, dugnad, kyrkjekaffi, eller andre arrangement. Eg set pris på dei gode samtalane me har, omsorga som me har for kvarandre, og at me har det morosamt både under gudstenestene og på kyrkjekaffien.

– *Korleis vil du skildre kyrkja?*

– Guds hus, der ein får komme inn og ta imot det Gud vil gje til kvar enkelt av oss. Den faste liturgien på gudstenesta er god å halde fast i, den er med på å skape nærheit og respekt for Gud.

– *Kva kjenneteiknar ein god kyrkjekaffi?*

– Ein god samtale anten med dei du kjenner godt eller med tilreisande til kyrkja. Det at me har tid til kvarandre, til å høyre etter korleis det går med kvarandre og viser omsorg for kvarandre, er oppbyggande for kyrkjelyden. Det skapar og ein arena der me kan snakka om dagens preike, eit godt møte me har deltatt på, eller til å invitere med oss fleire til å delta på dei ulike arrangementa som er i soknet.



Ida Maria Bogevik

Alder: 30 år

Bustad: Hundvin

Jobb: Barnehagelærer



ALVER
BEGRAVELSESBYRÅ



**Vi tilbyr gratis
fiolinmusikk og
solosang/forsanger**



Døgnvakt 56 35 00 00 Isdal 13, 5916 Isdalstø www.alverbegravelse.no

**Torsvik Elektro AS er total-leverandør
av elektroinstallasjoner i Alver**

Vi utfører:

- Bolig og industri
- Alarm
- Billadere
- Adgangskontroll
- Tele/data-nettverk
- Automatisering
- Godkjent for kontroll av el. anlegg



Torsvik Elektro AS / Lager: Olsvollstranda
Tlf: 56 38 50 00 / www.torsvik.no / post@torsvik.no
KVALITETSBEVISST – LØSNINGSORIENTERT – SAMARBEIDSVILLIG



Når livet tek slutt



Gründer Marit Karin Vetaas Haukeland har ikkje tal på kor mange kister ho har pynta opp gjennom åra.

Dette gjer gravferdsbyrået

Tekst og foto: Håkon Glatved-Prahl

– Det er utruleg givande å få lov til å hjelpa folk når dei er på sitt mest sårbare og usikre i livet. Å gje omsorg til dei som sit igjen, er ein stor del av jobben vår, seier Marita Haukeland.

33-åringen har dei tre siste åra vore dagleg leiar i Nordhordland begravelsesbyrå, eit byrå som mora, Marit Karin Vetaas Haukeland, starta i det små i kjellaren heime på garden på Radøy i 1987.

Eit gravferdsbyrå er sær viktig når personar skal gravleggast eller bisetjast. Berre i fjor arrangerte byrået, med hovudkontor i kyrkjelydshuset i Alversund, godt over 200 seremoniar i Nordhordland og Solund, samt i Vaksdal, der dei har ei eiga avdeling.

Veiledning på brei basis

Vi møter Marita ein mandag morgon på kontoret i Alversund. Ho skal gi oss ei oversikt over korleis Nordhordland begravelsesbyrå jobbar heilt frå dei får melding om eit dødsfall til etterarbeidet er unnagjort når seremonien har funne stad.

– Som oftast er det pårørende som ringjer oss. Men det hender politiet tar kontakt også dersom det har vore ei dødsulukke eller det er snakk om ein rettsleg obduksjon. Det første som skjer når pårørende tar kontakt, er at vi avtaler eit møte her på kontoret, der vi går gjennom det som trengst og kva familien ønskjer skal skje vidare.

– Og det kan vera ganske omfattande?

– Ja, det er mykje som skal på plass. Vår rolle er å gi veiledning på brei basis og prøva å etterkomme ønskjene frå familien.

Mange praktiske oppgåver

Marita ramser opp følgjande tema i samtale med pårørende:

- Formell melding til tingretten om dødsfallet
- Gjennomgang av offentlege papirer som må fyllast ut
- Utforma dødsannonse
- Kontakt med kyrkjekontoret om tid og stad for seremonien
- Gjennomgå mange praktiske ting, t.d. som forsikringar, abonnement og bankkonti, der det må føreliggja ein skifteattest før ein får ordna det
- Val av kiste, eventuelt urne, og hjelp til det

Når livet tek slutt

- Alt det praktiske som skal skje i kyrkja, som val av songar, blomar, eventuelle solistar, laga programhefte, kva bilde som eventuelt skal brukast
- Ta bilder før og under seremonien i kyrkja til minnebok som familien får
- Skal det vera minneord? - og kven skal vera med å bera kista?
- Andre rutinar ved bisetjing

- Samt fleire andre detaljar som dukkar opp under samtalen med dei pårørande

Opp til eksamen kvar gong

- Det aller viktigaste er å ivareta den nærmaste, sørgjande familien. Dei skal naturlegvis sjølve ta mange av desse avgjerdene. Vi må spela på lag med kvarandre. Nokre er ganske trygge når dei kjem til oss, medan andre er så prega av sorga at dei treng ekstra omsorg, hjelp og oppfølging, seier Marita og legg til:

- For oss er den neste seremonien alltid den viktigaste. Vi går opp til eksamen kvar gong. Det skal ikkje skje feil, vi får ikkje ein ny sjanse.

- Kva kostar ei gravferd kontra ei bisetjing?

- Alt er avhengig av kva val ein gjer. Ein kan velja ei rimeleg løysing for gravferd med fastpris til 29.770 kroner. I ei slik pakke er innhaldet bestemt på forhånd, for å halda kostnadane nede. Tilval kjem då i tillegg.

Kostnaden er den same for bisetjing, men då kjem kremasjonsavgifta på 5830 kroner i tillegg. Alver kommune betalar ikkje for kremasjon for innbyggjarane sine, slik dei gjer for eksempel i Austrheim, Bergen og Vaksdal. Familiane må betala dette sjølve.

Marita er elles bekymra for at mange gravplassar i regionen er i ferd med å bli fulle.

- Ser ein på kostandane med å byggja ein ny gravplass kontra å betala kremasjonsavgifta, så er det sistnemnde som er desidert billegast og plassbesparande på gravplassane i Alver, seier ho.

Fekk sparken av mamma

33-åringen byrja å jobba for mora alt som 14-åring heime på Haukeland på Radøy.

- Eg starta som bilvaskar. Ein gravferdsbil skal alltid vera rein. Men når du er 14 år, er det ikkje alltid like gøy å gjera som mor di seier. Eg var ikkje nøye nok, bilane var ikkje reine når dei skulle vera det, og eg fekk rett og slett sparken, seier ho og ler godt.

- Eg måtte skriva skriftleg klage og lova at eg skulle gjera jobben betre.

Seinare var Marita med på seremoniar då det var behov for det, men ho utdanna seg til musikk lærer og var lærar i Bergen fram til 2021 då ho starta på fulltid i selskapet. Frå årsskiftet 2022/2023 tok ho over som dagleg leiar etter mor si.



Marita Haukeland er andre generasjon dagleg leiar i Nordhordland begravelsesbyrå. - Vi er heldige som har flinke medarbeidarar, seier 33-åringen.

Har verv i Heder og Virke

Nordhordland begravelsesbyrå har sju heiltidstilsette gravferdskonsulentar, pluss fire personar som på deltid fyller opp helgevaktene. Byrået har eige blomsterbinderi i kjellaren og utstilling av kister og urner i lokala sine i Alversund.

- Krevst det formell utdanning for å bli gravferdskonsulent?

- Nei, men det er jo ikkje ein jobb som passar for alle. Ein må vera empatisk, roleg, kunne lesa folk, rett og slett vera eit godt menneske. I tillegg oppstår det tidvis sterke inntrykk, som for eksempel når vi hentar døde menneske på ulukkesstader. Derfor er vi også alltid to på jobb samtidig.

Byrået er medlem i hovudorganisasjonen Virke og er med i samanslutninga Heder. Heder er eit landsdekkande samarbeid av gravferdsbyrå som er lokale og familieeigde.

- Vi er medeigar i Heder, saman med 34 andre byrå over heile landet, seier Marita, som har sentrale verv både i Virke og Heder.

Kallar seg «kirkens nødhjelp»

Gründeren av byrået, Marit Karin Vetaas Haukeland, kan neste år feira 40-årsjubileum for verksemda. si.

- Og no er det du som trør til ved behov?

- Ja, no når eg har overlatt roret til Marita, kallar eg meg sjølv for «kirkens nødhjelp». Eg bidrar dei gongene det er ekstra travelt.

Nestoren utdanna seg først til blomsterdekoratør og jobba etter utdanninga i ein blomsterbutikk austpå, som også dreiv som gravferdsbyrå.

- Eg tenkte at det var ingen slike byrå i heimkommunen min, bortsett frå ein eldre mann som var gravferdsagent for Solstrand. Då bestemte eg meg for å starta Nordhordland begravelsesbyrå heime i kjellaren på Haukeland, smiler Marit Karin, idet ho heldt på med siste pyntinga av ei kiste i Sæbø kyrkje.

Bli med på olsokfeiring på Fjon!

Tekst: Torbjørn Sæle

Det er lang tradisjon for at folk for heile Nordhordland samlast til olsokfeiring på Fjon fjellkyrkje 29. juli. I år er det Radøy sokneråd som i samarbeid med styret for Fjon fjellkyrkje har ansvaret for arrangementet.

Årets olsokfeiring startar med gudsteneste kl. 18.00 ved sokneprest Torbjørn Sæle og organist William Kay. Deretter vert det servert rømmegraut med tilbehør, kaffi og kaker, og det blir sjølvsaft årsal med fine gevinstar! Kvelden vert avslutta ute ved bålpanna for dei som ønskjer det. Vi håpar mange vil ta turen til fjellkyrkja 29. juli også dette året.

Olsokfeiringa på Fjon har blitt eit fint samlingspunkt sommarstid. Samstundes er dette ei viktig inntektskjelde for fjellkyrkja. Dei siste åra har det vore gjort fleire kostbare oppussingsprosjekt med både nye dusjar og nye lampar. Det er alltid mogleg å gje ei gåve til Foreininga Fjon fjellkyrkje på Vipps #945857.

Har du lyst og høve til å bidra i samband med årets olsokfeiring 29. juli?

Det trengs folk til å dekkja bord, baka ei kake, vera parkeringsvakt, røra i grauten, servera mat, vaska opp, passa bålpanna m.m. Har du lyst å bidra med noko, ta gjerne kontakt på epost eller SMS til Grethe Lunde, gl877@kyrkja.no, 906 13 452.

Sjåast på Fjon onsdag 29. juli kl. 18.00!



EL.INSTALLASJON - INGENIØRTENESTER - SERVICE



Torvhusmyrane 6
Nordhordland Næringspark
5913 Eikangervåg

Tlf: 56 34 24 30
E-post: post@helland-elektro.no
www.helland-elektro.no
Foretaksregisteret: NO 986 751 718 MVA



Knarvik Blomsterstove



Kvassnesvegen 11 – 5914 Isdalstø
Tlf: 56 35 62 20 – www.knarvikblomsterstove.no

PHI FJEDER | **NORDHORDLAND BEGRAVELSESBYRÅ** | Ditt lokale gravferdsbyrå

ALLTID HÉR FOR **deg**

DU NÅR OSS PÅ TLF. 56 37 14 10 - 56 99 25 70

Kyrkjevegen 1 Alversund | Havnevegen 31 Frekhaug | Elvavegen 1 Dalekvam

VATNE
begravelsesbyrå



Tlf: **56 35 09 10** (24t)
Kvassnesvegen 11, 5914 Isdalsbø
vatne-byra.no

Ny serie: Høytidene våre

Tekst: Jan Rantrud
Foto: Berit Nøst Dale

”Kirkeåret” inneholder noen viktige høydepunkter – eller høytider – som kulturen vår er preget av. De kommer igjen hvert år – nesten til samme tid som året før – og inneholder til sammen alle de viktigste fortellingene i kristendommen. De forteller hva kristen tro er på en konkret måte. I kirken begynner det nye året med advent – de fire siste ukene før jul. Men julen var ikke den første høytiden som ble feiret. Det var påsken. Jul begynte de kristne å feire først på 300-tallet.

I dette bladet starter vi med påsken og pinsen, og julen kommer så i julenummeret.

HVORFOR HETER PÅSKEN PÅSKE?

I 2. Mosebok leser vi om da israelsfolket gikk ut fra Egypt for å vandre gjennom ørkenen til det lovede landet. Et dramatisk høydepunkt var da en engel skulle slå ihjel alle førstefødte barn i Egypt. Men de husene engelen gikk forbi, var de hvor Gud hadde sagt til folket sitt at de måtte smøre blod fra påskelammet på dørstokkene og øverste dørkarmen. Gamle kirkeledere har pekt på at det betydde at de måtte bevege armen som om de tegnet et kors. Det ofrede lammets blod berget livet til Guds og Lammets folk.

Det hebraiske ordet for “gå forbi” heter PESACH, hvor CH i alle transkriberinger uttales som lyden når katten freser. Derfor fikk vi ordet PÅSKE på både skandinaviske og andre nordeuropeiske språk. De engelsktalende var gode nok til å oversette det og kaller det Passover.

For jøder og israelitter er det til minne om folkets mirakuløse berging fra Egypt, og for kristne er det også om hvordan alt startet da Jesus ble korsfestet og sto opp igjen.

Men selv om påsken har vært feiret hvert år gjennom snart omtrent tre tusen fem hundre år, har man ikke vært helt enige om hvilke datoer som gjelder. Den israelittiske påsken skal feires når innhøstingen av bygg er ferdig, det forandrer seg med sted og tid.

Men at påskens historiske grunnlag er det samme, har jeg selv som et av mine største minner om en påske for mange år siden i Israel. Vi feiret påske på den tiden katolske og protestantiske kristne gjør det. Vi var med både i Gravkirken i Jerusalem hvor både Golgata og graven er, og i den nye nyere protestantiske gravhagen i nærheten, men også andre dager hos de gresk- og russiskortodokse, de armenske og arameiske menighetene, og i jødiske synagoger. Det mest dramatiske var på toppen av Garisimfjellet hvor samaritanene slaktet sitt påskelam nøyaktig etter bibelske forskrifter.

Men om tid og språk alltid forandrer seg, er påskens historiske innhold akkurat likt hele tiden.

Vår nattverd er fortsettelsen av det påskemåltidet Jesus innstiftet med disiplene. Vi ber og synger, men kommer ikke til å si “takkt for maten” før den dagen han kommer hit selv.

Den store høytiden pinse

Vårt ord Pinse er en forkortelse av det greske ordet Pentekoste, som betyr Den Femtiende. Andre nordeuropeiske språk som tysk, svensk og dansk har gjort akkurat det samme som oss. Engelsktalende og andre har beholdt sine egne versjoner av det greske ordet.

Men det hebraiske grunnordet er Sjavuot, som er flertall av ordet sju. Vi finner bakgrunnen i Mosebøkene. Etter at israelittene var ferdige med innhøstingen av bygg, skulle de starte med å høste hveten. Slik har man jo alltid gjort det, men alle startet jo ikke samtidig. Fra den dagen man begynte, skulle man fortsette i sju uker - slik fikk de det hebraiske ordet -, og så telle sju uker, dvs. sju ganger sju dager til alt var ferdig den femtiende dagen. Slik kom det greske ordet og vårt ord inn.

De har feiret pinse i mange tusen år, og når vi leser om det i Apostelgjerningene og andre steder i Det nye testamentet, ser vi hvor fornyende det virkelig var for alle og hele kirken. Det kom folk med alle slags fremmede språk til Jerusalem, men Den hellige ånd lot plutselig alle forstå evangeliet om Jesus - uansett språk.

Jeg blir selv aldri ferdig med å se virkeligheten i det som skjedde og skjer. Det ene er alle dem som ble døpt i Jerusalem den dagen. For en god del år siden fant arkeologene hundrevis av store rensesbasseng for dem som skulle inn på tempelplassen da tempelet sto der på nytestamentlig tid. Det var titusener hver dag, så de tre tusen nydøpte kristne var bare en liten del av en kjempestor folkemengde som gjorde akkurat samme handling i bassengene.

Og det er kanskje enda mer konkret i gudstjenestene hos oss. I Meland kyrkje er det folk som kan snakke flere fremmede språk. Og det er også vi andre som sitter der i benkene og gjør vårt beste for å følge med på begge våre offisielle målføre. Og på samme måte er det med alle dialektene som summer under kirkekaffen etterpå.

Pinsen viser oss virkeligheten i det ene evangeliske budskapet i den mangfoldige verdensomspennende kristne forsamling.



Drømmer om fredssenter for Fulanifolket

Tekst og foto: Steinar Kristiansen

Vest-Afrika-misjonæren Frode Brügger Sætre minner seg selv på at han må huske å være takknemlig. Han tenker for egen del, og for oss alle, at det er så lett å fokusere på problemene, og så glemmer vi alt vi har å takke for.

– Det er mye jeg er takknemlig for. Jeg har hatt god helse her, og det gjør at jeg kan trives og ha det bra.

Sætre er utsending for NMS (Det Norske Misjonsselskap) blant fulanifolket. Tradisjonelt har de vært regnet som et seminomadisk folk med løse røtter over en stor del av Vest-Afrika. Men i slutten av juni, kan du treffe ham på generalforsamlingen til NMS i Bergen. Lørdag 27. juni er han festtaler i storstua på Scandic Hotel på Flesland. Her vil han blant annet snakke om takknemlighet.

Lenge arbeidet han i Mali, men en stadig forverret sikkerhetssituasjon i landet har gjort at han har måttet flytte til Elfenbenskysten, der han nå har base nordvest i landet, en misjonsstasjon eid av Norsk Luthersk Misjonssamband.

NMS-utsendingen er takknemlig for at Gud har ledet ham til en del strategiske personer i regionen han arbeider i. – Jeg føler jeg kan hvile i de relasjonene.

Han trekker særlig frem vennen Seydou, en fulanier som har åpnet dører for evangeliet.

– Jeg ønsker at jeg sammen med Seydou, eller flere andre kristne fulaniere, kan bygge opp ett eller flere fredssentre for fulanifolket.

Han beskriver visjonen som en fulaniplass med mye dyr, for fulanerne liker dyr. Her skal det være en mulighet til å komme, en åpen dør der folk kjenner seg velkommen, enten for kortere eller lengre tid – uansett med fokus på fellesskap.

Frode søker å leve etter Paulus' brev til filipperne 2, vers 5–11, hvor Paulus skriver om å la Kristi sinnelag få være i oss. Frode tenker at misjonsarbeidet begynner med å stige ned.



En del av Fulanifolket har etablert seg i de tropiske grenseområdene mot Guinea. Frode Brügger Sætre trives sammen med fulanifolket.



En del av Fulanifolket har etablert seg i de tropiske grenseområdene mot Guinea. Frode Brügger Sætre trives sammen med fulanifolket.

– Som misjonærer må vi gi avkall på vår egen kompetanse, sier han ettertenksomt og understreker at de gode relasjonene er preget av gjensidighet.

Her får du informasjon program for generalforsamlingen til NMS og påmeldingsmulighetene: nms.no/gf



RISNES
ELEKTRO AS
Elinstallatør • tlf. 56349620



Specsavers
OPTIKER I KNARVIK
-Bestill synsprøve nå!
RING 56 35 14 66



NMS Sommerfest & Generalforsamling 2026

Kom, bli med til sommerfest og generalforsamling på hotellet Scandic Flesland Airport 25. – 28. juni!

Velkommen til innholdsrike og inspirerende dager!

På Scandic Flesland Airport samles vi til fellesskap, tro og engasjement, med rom for refleksjon, feiring og fornyelse. Vi gleder oss til god forkynnelse som utfordrer og oppmuntrer, spennende seminarer som åpner blikket for verden, og møter og forhandlinger, samt en ekstra sak om medlemskap og struktur i Norges-arbeidet. Du får også med deg flotte konserter, både på Flesland og i Bergen sentrum!

Dette blir en sommerfest og et viktig møtepunkt for hele misjonsfamilien.

Vi gleder oss til å se deg i Bergen!

Hilsen

Bjarne Andersen, leder for hovedkomiteen

Bygg Team
VEST AS



Alt innan tømrarfaget!

AMFI

KNARVIK



REMA 1000

KULTUR- KALENDER

Torsdagar kl. 12.00

Sommarmusikk i Meland kyrkje
på desse dagane:

25. juni, 2. juli, 9. juli, 16. juli, 23.
juli og 30. juli

Laurdag 27. juni

Knarvik kyrkje kl. 17.00

Konsert m/ SKRUK og militærkoret
LOVA frå Madagaskar

Laurdag/søndag 11., 12., 18., 19., 25. og 26. juli

Lygra kyrkje kl. 12.00-16.00

Open kyrkje og utstilling med Ingvild
Skår, Mailinn Bergås Hatten, Synnøve
Sellevold og Inger Sellevoll

Onsdag 15. juli

Meland kyrkje kl. 19.00

Musikkandakt med Domkirkeorganist
Sigurd Melvær Øgaard

Onsdag 26. august

Meland kyrkje kl. 19.00

Musikkandakt med Solveig (sang) og
Andreas Westermoen (piano)

Torsdag 27. august

Knarvik kyrkje kl. 19.00

”Dar gjekk dampen, men her kjem
vi.” Velkomen til eit streiftog i natur
og landskap i Nordhordland og eit
møte med folk som bur der. Billett på
easyticket.no og ved inngangen.

Arr.: Nordhordland musikkteater/
KnarvikMila

Laurdag 12. september

Ostereidet kyrkje kl. 18.00

Godbiter for cello og flygel med Aage
Kvalbein (cello) og Reidun Askeland
(flygel)

Søndag 13. september

Manger kyrkje kl. 18.00

Godbiter for cello og flygel med Aage
Kvalbein (cello) og Reidun Askeland
(flygel)

Søndag 20. september

Ostereidet kyrkje kl. 18.00

Konsert med Sveinung Hølmebakk og
Te Deum

Onsdag 23. september

Meland kyrkje kl. 19.00

Musikkandakt med Ludvig Lindström
(sang) og Magnus Blom (orgel og
piano)

Lørdag 26. september

Meland kyrkje kl. 18.00

Nynorsk salmekveld med Solveig
Westermoen, Arve Kjell Uthaug, Lise
Herland og Magnus Blom



Barnas

Finn 5 feil

Desse to bilda er nesten heilt like. Greier du å finne 5 feil på bildet under?



Teikning: Aleksei Bitskof



Ordsøk

I rutenettet gøymmer det seg 10 land. Leit bortover og nedover. Greier du å finne alle?

S	V	D	E	Y	L	F	B	Z	E
V	Z	A	V	K	F	R	E	P	T
E	N	N	X	C	I	A	L	K	Y
I	D	M	L	N	N	N	G	I	S
T	Z	A	K	O	L	K	I	T	K
S	I	R	L	R	A	R	A	A	L
V	N	K	U	G	N	I	K	L	A
Q	L	D	T	E	D	K	C	I	N
S	V	E	R	I	G	E	P	A	D
Y	P	S	E	N	G	L	A	N	D

Vitsar:

- Hunden min har ingen nase.
- Korleis luktar han, då?
- Forferdeleg.

Kva for ein hage skal ikkje vatnast? Barnehagen!

Søndagsskolen - mer enn du tror

Andakt



Tekst og foto: Tone Marit Øvretveit Dyrkolbotn

Det var ein nydeleg vårdag. Du veit, ein sånn dag der graset ikkje heilt har begynt å verta grønt, men overalt kjem det fram små, gule hestehovar. Dei strekk halsen mot solstrålane som leikar seg på bakken og varmar sjela til dei som går forbi.

Me var på søndagstur i Brekkeløypa ein slik vårdag, og trearingen på sykkel stoppa

Då er det ekstra fint at desse vårdagane ofte kjem rundt same tid som påsken. Det kan vera ei fin påminning om det store under som skjedde då. For det er faktisk sånn at lyset og håpet har kjempa seg fram og vunne mot mørket. Jesus si nådefulle gåve til oss forandrar alt. Den er det me kan tru på, håpa på, leva på – og døy på. Jesus er lyset for verda.

For som me seier i kvar dåp: Jesus seier: «Eg er lyset i verda. Den som følgjer meg, skal ikkje vandra i mørket, men ha livsens lys.» (Joh 8,12)



Ein liten hestehov kan minna oss om lyset og om håpet. Minna oss om Jesus si kjærleikserklæring til oss menneske. Minna oss om at kjærleiken han viste – og viser – oss er sterkare enn døden.

Kanskje kan dei små hestehovane minna oss om Gud sin store kjærleik til oss menneske.

Kanskje kan me plukka med oss ein liten bukett og setja i ein vase på bordet, og på den måten verta minna om at Jesus sin kjærleik ikkje stoppa påskedag; den er med oss alle dagar.

Den er hjå oss midt i kvardagen – for Gud er kjærleik.

Som det står i 1. Johannes brev: «Gud er kjærleik, og den som blir verande i kjærleiken, blir verande i Gud og Gud i han.»

Eit lite stykke sjømannskyrkje

Tekst og foto: Arthur Kleiveland

Du blir møtt av dufta av nysteikte vaflar og kaffi. «Fredagskaffien» i kyrkjelydshuset i Alversund har i mange år vore ein koseleg start på helga.

Det er liksom noko sjømannskyrkje-aktig over denne samlinga. Med vaflar, kaffi og ein god prat rundt borda, og med god plass til allsongen.

- Det er ganske uformelt og ei lett og fin stemning på desse samlingane. Veldig kjekt, seier Ingelaug og Per Morken, som er trufaste gjestar på «Fredagskaffien».

Tidlegare prost Kåre Mestad var ein av fleire som for mange år sidan drog i gang «Fredagskaffien» i kyrkjelydshuset. Dagens vertskap er Torunn og Kåre Jordal, Ingebjørg Palmesen, Rakel Valle og Bjørn Hjørnevik, som er samlinga sin huspianist.

- Dei gjer ein flott jobb, seier Ingelaug Morken.

På sykkelturn i Italia

Eit interessant tema står alltid på programmet. På denne siste «Fredagskaffien» før ferien var det Torunn og Kåre Jordal som rigga seg til i kyrkjelydshuset med sykkel, hjelm og forskriftsmessig kledd. Dei har for vane å ta seg ein sykkelturn i Europa kvar sommar, og fortalde om turen på to hjul i Nord-Italia i 2025.

- Det var jo enkelte som stussa på at me skulle starta turen i Bergamo, området som over natta vart verdskjend for dei fryktelege TV-bileta knytt til korona-epidemien, fortel Torunn.

Innom Vatikanet

Torunn og Kåre hadde fire mål med denne sykkelturnen. Mellom anna ville dei til Rimini, der Kåre sine foreldre var på tur i 1962.

Dei hadde også lyst til å sjå Gardasjøen, med den kjende elva Po. Eit populært reisemål for mange turistar.

Og dei ville gjerne besøka Roma igjen, og Vatikanet, som dei ikkje fekk med seg sist.

Ingen punkteringar, men mange flotte opplevingar undervegs. Og dei let seg ikkje stoppa av til dels sterk varme. Etter dagsetappar på fire til seks mil, nådde dei Roma etter å ha lagt bak seg 605 km på sykkelsetet.

I tilknytning til alle sykkelturnane sine i Europa har dei oppretta ein Spleis – denne gongen kom det inn nesten 28.000 kroner øyremerkte «Legar utan grenser».

På «Fredagskaffien» er det alltid nokon - lokale eller



Torunn og Kåre Jordal fortel på «Fredagskaffien» om sykkelturnen i Nord-Italia.

utanbygds folk, som bidreg med interessante tema på samlingane. Enkelte gonger er det også ein andakt.

»No livnar det i lundar»

Så var det tid for fleire vaflar med sylte og rømme, og muntre historier fortald av Bjørn Hjørnevik. Og sjølvstekt mykje allsong. Samlinga vart runda av med «Guds kjærleik er som stranda og som havet».

No kan du kryssa av for neste «Fredagskaffi» i slutten av september.



Eit stykke sjømannskyrkje på «Fredagskaffien», med nysteikte vaflar og kaffi. – Veldig kjekt, synest Ingelaug og Per Morken.

Fritidstilbod

Tekst og foto: Kristin Gilje Vestbøstad

Fredagsklubben

Fredagsklubben er eit fritidstilbod for elevar i 5.–7. klasse. Annankvar fredag samlast over 30 barn frå Knarvik, Alversund, Seim, Ostereidet, Lindås og Lavik i kyrkjekjellaren i Knarvik kyrkje. Her vert det kjekke aktivitetar, leik, prat, spel, andakt og kiosk.

Klubben tilbyr varierte og spanande aktivitetar som bingo, spel, rebusløp, gaming, Just Dance, FunBattle, Escape Room, bowling, Kahoot, hobbyverkstad, bordtennis og fotball. Mange av deltakarane synest det er stas å lage mat, og dei som har lyst, får hjelpe til med vaffelsteiking og servering i kiosken.

Nedanfor finn du datoane for hausten. Programoversikt vert sendt i posten når det nærmar seg.

FollowMe

FollowMe er eit fritidstilbod for ungdom frå 8. klasse og oppover, og er eit samarbeid mellom dei ulike kyrkjelydane i Alver: Knarvik, Lindås, Meland, Osterfjorden og Radøy. Annankvar fredag samlast me i kyrkjekjellaren i Knarvik kyrkje. Her vert det kjekke aktivitetar, leik, prat, andakt og eit varmt måltid.

Nedanfor finn du datoane for hausten. Nettsida vert oppdatert med programoversikt når det nærmar seg.

Me kickstartar hausten med leir på Alværa misjonssenter 14.–16. august!

Kva kan du forvente? Bading, vasskrig, leik, aktivitetar, minigolf, volleyball, samlingar, inspirasjon til tru, god mat og god stemning. Påmeldingsfrist: 26. juni. Sjå meir info på heimesida.



Datoar for Fredagsklubb og FollowMe:

28.08 / 11.09 / 25.09 / 09.10 / 23.10 / 06.11 / 20.11 / 22.11 / 04.12

På heimesida www.kyrkja.no/knarvik finn du informasjon om babysang, barnekor, søndagsskule, kyrkjegym m.m.

Slekters gang

Knarvik

Døpte

01.03.26 Elida Dale Baggetun
01.03.26 Elise Hjelmtveit Nakken
15.03.26 Elina Brubakken Hansen
15.03.26 Emma Stabell Haaland
15.03.26 Mia Ulvesæter (døpt i Meland kyrkje)
29.03.26 Mikael Nævdal
29.03.26 Stella Takvam Losnegård
29.03.26 Vera Moss Morken
29.03.26 Melissa Harrison
16.04.26 Finn Anders Nævdal
16.04.26 Leon Birknes Styve

14

Døde

12.02.26 Kirsti Benedicte Wie f. 1952
01.03.26 Inger Johanne Fjellanger f. 1941
03.03.26 Steiner Ekkeren f. 1936
03.03.26 Marion Haldis Kaland f. 1932
01.04.26 Herleiv Veland f. 1940
06.04.26 Irene Bjørsvik f. 1939

Alversund

Døpte

22.02.26 Albert Reventlow Bøe
22.02.26 Markus Ljones Øvsthus
22.02.26 Isak Jo Melheim
25.04.26 Ella Sundsbø Paepenmøller

Døde

04.03.26 Lilly Valborg Wilhelmsdatter Paulsen f. 1939

Tankestrek

Av Øystein Skauge

SPRÅKET

Alle forstår at språket er eit viktig verktøy for ein prest.

Presten sine oppgåver er sjølvsagt meir, og mykje anna, enn berre å vere ei pratemaskin. Det ville vere ille om det var slik prestane vart oppfatta av folk.

Likevel er vi avhengige av å framstå ved hjelp av språket vårt.

Med til utdanninga i dette yrket høyrer også å lære seg framande språk, både for å lese Bibelen, og for å lese faglitteratur.

Men viktigast er språket vi brukar, slik heilt til dagleg.

Gjennom åra har kanskje dei hyppigaste tilbakemeldingane eg har motteke om dette, kome frå folk som har vore ein del av kyrkjelyden i benkeradene. Veldig ofte handla meldingane om kor vidt det var tydeleg nok, høgt nok, om lyden i høgtalaranlegget var god, eller om eg tala for fort.

Det er nyttige tilbakemeldingar.

Likevel – det eg kanskje er mest glad for, for min eigen del, er at så mange på positivt vis har kommentert at eg brukar nynorsk. At eg brukar det som enno er att av dialekten eg tileigna meg i oppveksten her i desse bygdene. Dialekten er nok slipt gjennom mange år med bustad andre stader i landet. Likevel har eg i trass og tru halde på nynorsk og målet mitt – og fått utruleg mange tilbakemeldingar.

Folk i nord, som til dagleg snakkar veldig konservative bokmålsdialektar har kome med rørende oppmuntringar og takkeord. Menneske i Bergen, som ofte er radikalt riksmålsorienterte, har nesten omfamna meg. Og ikkje minst: I bydelane Åsane og Arna som heldt på å bli slukte av bokmålet, har det innimellom vore jublande takk for at strilemålet tek plass i kyrkja.

Kjære sambygdingar i Knarvik sokn: Hald på språket ditt. Tal dialekt. Skriv nynorsk!



DEN NORSKE KYRKJA

Kyrkjekontakten:

Knarvik kyrkjekontor

Lonsvegen 100, 5914 Isdalstø

Opningstid:

Tysdag-fredag kl. 9.00-15.00

Tlf.: 400 01 691

alle kvardagar kl. 10.00-14.00.

Postboks 228, 5903 Isdalstø

post.knarvik@kyrkja.no

www.kyrkja.no/knarvik

Facebookside:

Knarvik kyrkje

Kontonummer: 3633 67 39882

Vipps: 56789 vel «Kyrkjekontakten» i menyen.

Alver kyrkjelege fellesråd

Lonsvegen 1, 5914 Isdalstø

post.alver@kyrkja.no

www.kyrkja.no/alver

Kyrkjevevjerje: John Fredrik Wallace

jw734@kyrkja.no

Leiar i fellesrådet: Sølvi Knudsen

Soknerådsleiar:

Hildur Løkken Lillestøl

Kyrkjekontakten

Utgjevar: Knarvik sokn, i samarbeid

med Meland sokn, Osterfjorden

sokn, Mo sokn, Radøy sokn og

Lindås sokn.

Redaktør: Berit Nøst Dale

Lokal redaksjon: Arthur

Kleiveland, Håkon Glatved-Prahl,

Synnøve Bjørndal

Grafisk design: Simen Søvik

Trykk: Aksell

Framsidedeilete: Vakre keramiske

vasar frå Liv Sundal si hand. Foto:

Arthur Kleiveland.



Helge Taranrød

Prost
ht759@kirken.no



John Fredrik Wallace

Kyrkjevevjerje
jw734@kyrkja.no



Cathrine Grutle

Sokneprest
cg836@kirken.no



Tone Marit Øvretveit Dyrkolbotn

(Permisjon)



Synnøve Bjørndal

Dagleg leiar
sb876@kyrkja.no



Kristin Gilje Vestbøstad

Kyrkjelydspeagog
kv479@kyrkja.no



Odd Leif Mjøs

Kantor
om623@kyrkja.no



Nina Jenny Tresvik Monstad

Kateket
nm853@kyrkja.no



Bjørn Furukawa

Kyrkjetenar
bf982@kyrkja.no



Gudstenestekalender

Knarvik

Sundag 21. juni

4. s. i treeiningstida
Kl. 11 v/ Øystein Skauge.
Dåp. Nattverd.

Sundag 5. juli

6. s. i treeiningstida
Kl. 11 v/ Stein Hugo Fykse.
Dåp. Nattverd.

Sundag 19. juli

8. s. i treeiningstida
Kl. 11 v/ Ole Marton
Ølberg. Dåp. Nattverd.

Sundag 9. august

11. s. i treeiningstida
Kl. 11 v/ Cathrine Grutle.
Dåp. Nattverd.

Sundag 16. august

12. s. i treeiningstida
Kl. 11 v/ Cathrine Grutle.
Dåp. Nattverd.

Sundag 23. august

13. s. i treeiningstida
Kl. 11 Dåp. Nattverd.

Sundag 30. august

Vingardssundagen
Kl. 18 v/ Cathrine Grutle.
Solidaritetsgudsteneste.
Kveldens gjest: Kjersti
Toppe.

Sundag 13. september

16. s. i treeiningstida
Kl. 11 v/ Cecilie Grøttveit.
Familiegudsteneste. Dåp.
Konfirmantpresentasjon.

Sundag 20. september

17. s. i treeiningstida
Kl. 17 Avskjedsgudsteneste
for prost Helge Taranrød.
Biskop Ragnhild Jepsen
m.fl. Nattverd. Kyrkjekaffi.

Sundag 27. september

18. s. i treeiningstida
Kl. 19 v/ Cecilie Grøttveit.
Kveldsgudsteneste.
Nattverd.

Sundag 4. oktober

19. s. i treeiningstida
Kl. 11 v/ Cathrine Grutle.
Dåp. Nattverd.

Sundag 11. oktober

20. s. i treeiningstida
Kl. 11 Nattverd.

Alversund

Sundag 28. juni

5. søndag i treeiningstida
Kl. 11 v/ Øystein Skauge.
Misjonsgudsteneste. Katrin
Helen Melder og Magne
Mølster deltek. Dåp.
Nattverd.

Sundag 26. juli

9. s. i treeiningstida
Kl. 11 v/ Helge Hitland.
Dåp. Nattverd.

Sundag 27. september

18. s. i treeiningstida
Kl. 11 v/ Cathrine Grutle.
Konfirmantpresentasjon.
Kl. 13 v/ Cathrine Grutle.
Dåp/gudsteneste – viss det
vert meldt dåp.

Seim

Sundag 12. juli

7. s. i treeiningstida
Kl. 11 v/ Stein Hugo Fykse.
Dåp. Nattverd.

Sundag 2. august

10. s. i treeiningstida
Kl. 11 v/ Cathrine Grutle.
Dåp. Nattverd.

Sundag 30. august

Vingardssundagen
Kl. 11 Dåp.
Konfirmantpresentasjon.

Stille andakt i Seim kyrkje

Søndag 13. september, 11. oktober og 8. november kl. 18.

Ei stille andakt inneheld nokre enkle bønner og songar og stille refleksjon over søndagens tekst.

Arrangør er Knarvik sokneråd, Helga Bjørke Harnes leier samlinga.

Kvardagsgudstenester i Alversund kyrkjelydshus

Det er kvardagsgudsteneste i kyrkjelydshuset andre måndag i månaden kl. 14.

Etter gudstenesta er det kyrkjekaffi.

Datoar i haust: 14. september, 12. oktober, 9. november, 14. desember.